

- DON D'ORGANE -

*Mwen bizwen chalè-w réchofé mwen,  
Bizwen lodè-w adan loksijenn-mwen.  
Mwen bizwen dé bra-w kouvè kò-mwen,  
Bizwen dé zyé-w kléré bout tinel-mwen.*

*O lwen ou bien toupré, mwen menm pa sav.  
Man ka santi mwen adan an lèta grav.  
Pas pou mwen respiré, pou mwen manjé,  
Mwen sur ni an bagay kò-mwen mantjé.*

*Mwen bizwen lanmen-w karésé mwen,  
Bizwen chivé-w floté douvan zyé-mwen.  
Mwen bizwen lev-ou anlè ta-mwen,  
Bizwen ou vini sérum lavi-mwen.*

*Pa ni lontan mwen touché an fon tjè,  
Dan siel-mwen ou paret kon zéklè.  
Mwen santi an gran fwet andidan mwen,  
Konsi ou té pran tout lénerji-mwen, alò...*

*Pa rété two lwen mwen, ou kay tchwé mwen;  
Pli ou lwen mwen, sé muens mwen ka respiré.  
Siw lé sové mwen vin adan kò-mwen  
Pou rifèmen blési-a anlè tjè-mwen.*

*Sé an don d'organe mwen ka mandé,  
Mwen pa kay rijété sa ou kay chanjé.  
Sé pou sa mwen rikréé ant-nou  
An kòwdon pou nou ansanm touléjou.*

*Chorus 1 :*

*Wou, ou sé sérum lavi-mwen  
Plasma ki adan venn-mwen  
Mwen lé santiw andidan mwen  
Ka koulé dan tout kô-mwen.*

*Tout kô-mwen gran wouvè, sé pou nou mélanjé,  
Alò fo pa ou pè, pa ézité rantré.*

*Chorus 1*

*Chorus 2 :*

*Sé an don d'organe mwen ka mandé,  
É sé wou sel kô-mwen pa kay rijété.  
(x 2)*

*Chorus 1*

*Chorus 3 :*

*Chirijien, kay wouvè tout kô-mwen ba mwen.  
(I kay wouvè tout kô-mwen ba mwen,  
Pou ou rantré andidan mwen)*

*Chirijien, kay wouvè tout kô-mwen ba mwen.  
(Pou ou pé sa ranplasé tousa ou anvi chanjé)*

*Chirijien, kay wouvè tout kô-mwen ba mwen.  
Sé an don d'organe mwen ka mandé,  
Chirijien, kay wouvè tout kô-mwen ba mwen.  
É sé wou sel kô-mwen pa kay rijété.  
(Ad Lib)*